

42.

DEO OPTIMO MAXIMO
UNI ET TRINO,
VIRGINI DEI-PARÆ, ET S. LUCÆ,

Orthodoxorum Medicorum Patrono.
QUÆSTIO MEDICO - CHIRURGICA
QUOD LIBETARIIS DISPUTATIONIBUS,
manè discutienda in Scholis Medicorum, die Jovis vigesima-prima mensis Martii, anno Domini M. DCC. LXXVI.

M. RAIMUNDO DE LA RIVIERE,
Doctore Medico, Præfide.

An à frequentiori & inconsulto fonticulorum usu, malum ?

I.



INTER morbos, qui diuturno tempore corpus humanum misce è afficiunt, nonnullæ sunt species, quibus tollendis eradicandisque nec universalia nec peculiaria conducere valent medicamenta. Ea est enim humorum, undè isti nascuntur, indoles ut per cutis poros, ductum intestinalem, urinæ vias, asperam arteriam, per naturalia demùm quæcumque emunctoria propelli nequeant. Quidam ex iis mobiles à viscere in viscus, ab intimis partibus in exteriores, quinetiam ab his in illas facili mutatione transferuntur; quidam viscosi & tenaces organo, cui primitus incubuere, firmissimè adhærent. Alii tentamen artis constanter eludunt, aliis quandoque supremum præstat præsidium Chirurgia, utilis Medicinæ furculus, naturæ adiutrix & interdum æmula. Utenim non rarò natura ad purgandos abscessus viam ruptâ cute ejiciendo puri ipsa patefacit; sic artificiales aperire licet fonticulos, quorum ope nociva materies amandari queat. Felices, quibus optatam restituit hæc curandi methodus sanitatem! sed quàm paucis prosperè succedit! Quinimò plurimos ad citiorem devocat perniciem. Causam si quæsieris, ab incautâ frequentiorique remedii applicatione pendet. Ubique prædicantur fonticuli, in quovis ferè morbo aperiuntur, sæpissimè absque ullo ægrotantis commodo. Quid mirum si paucioribus abigendis humoribus inserviant, cùm non eadem sit omnium qualitas, non eadem mobilitas, non eadem natura! Præterea requiritur nonnulla morbi naturam inter & remedii actionem relatio, quæ si deficiat, aut periculum imminet, aut nulla speranda sanatio. Sunt autem quidam humores, qui per fonticulorum sentinas abeunt; plures tamen hoc modo pelli se non patiuntur. Quæ diversitates, expositâ priùs fonticulorum historiâ, mox patebunt.

I I.

A Medicinæ incunabulis artificialia excitata fuere in corpore humano ulcera. Olim cauterio dicto aequali, id est, ferro candente tantùm utebantur veteres, ut humorem averterent noxium, qui nunc apertis diversimodè fonticulis elicitur. Triplici methodo Chirurgia fonticulos perficit, nempe igne, caustico, secante instrumento. Vel enim ferro candente admoto comburitur cutis & vulnus infictum suppuratoriâ inungitur materiâ, donec resolutâ crustâ pusum immitti queat; vel melius, caustica tum vegetabilia, tum mineralia parti vulnerandæ applicantur splenis & fasciis cohibenda. Thymelæa ex vegetabilibus deprompta rejicitur à plurimis, quia sæpius est renovanda, dolorem perpetuò parit parcamque promovet suppurationem. Inter mineralia præponuntur acidum nitri, & lapis causticus. Si calamus aquâ forti intinctum cuti appresseris, quæsitam subitò corrosionem excitaveris. Cæteris frequentius usurpatur lapis causticus, qui ne partem rodendam latius deferat, in foranine glutinosi em

plastrum prius applicati retinetur; altero emplastro supra posito & fasciis pariter stabilito. Solvuntur vineturæ nunc citius nunc tardius pro citiori tardiorive causæ actione. Ubi crusta ab ulcere secedit, in ipsum immittitur vel piscum vel globulum ex iridis radice aliave substantiâ, modo sit iners & humiditati magis impervia, confectus, quo partium adunatio præpediatur. Cauterium illud abundantiori dat locum suppurationi, nec iisdem, quibus cætera, laborat incommodis. Tertia methodus instrumentum secans admittit; scilicet cæsum cutis dividitur; piscum dein in recens vulnus introductum emplastro contegitur; quibus bis in die renovatis, pus brevi elapso tempore ab ulcere stillat.

Non omittenda sunt setacea in contusionibus, vulneribus præcipuè à sclopeto inflictis tantoperè celebrata. Ab aliis discrepant fonticulis, tum quia duplici gaudent officio, tum quia pisci loco linteolum unguento imbutum in vulnere continuò fovetur, & quia citior obtinetur suppuratio. Veteres, ut setaceum insisterent, cutim forcipe contristellam candente perforabant ferro in forcipis foramen immisso; nunc mitius ab ætatis nostræ Chirurgis eadem perficitur operatio; cutis enim duobus digitis prehensâ cultro utrinque secante pertunditur & unâ reconditur in vulnere linteolum perforato scalpelli apici innexum. Hujus autem pars latitans, humore conspersa purulento, singulis diebus removetur & refecatur; quæ autem huic continua est, sicca adhuc prioris in locum succedit, donec æger penitus convalescat.

Non omnes corporis partes fonticulis pariter opportune. Cum locum peculiarem non determinat necessitas, spatia præponuntur inter decussatos nukes vacuum, quæ succis abundant & excavata fonticulis motui non obstant musculari. Hinc applicantur cauteria, ut aiant, potentialia in cervice, in brachiis vel juxta partem deltoideis infimam, vel deltoidem inter & bicipitem; hinc etiam in int'iore femore propter sinum sub digitis sensilem & in foveâ cruris interni sub genu conspicuâ.

Circa fonticulorum actionem multum ambigitur. An mediante telâ cellulari nociva materies è vario corporis puncto excita, an bibulis absorpta venis sanguinique permixta per fonticulum tacite exstillat, quis certò dixerit? Humores eò confertim affluunt, ubi rupto naturâ vel arte æquilibrio fibræ debilitantur. Ut celerius in metastasibus, sic forsan tardius in fonticulis eadem lege dimoveantur liquida. Hæc de fonticulorum actione ac diversis speciebus; nunc morborum, quibus conducunt, expositioni incumbendum.

II I.

CUM mobilis quidam humor modò cutem labe suâ inficit, modò in intimas corporis partes sese recipit functiones pessumdaturus, si ea sit hujus indoles, ut per artificiale emunctorium abire non rennat, persistentibus adhucdum ægri viribus, instituendi sunt fonticuli. Quæ methodus præcipuè adhibenda videtur in scabie, erysipelate, impetiginibus nonnullisque diuturnat morbis chronicis quorum libera ad ambitum corporis eruptio fanitatem, intus autem resorptio periculum mortemque ipsam infert. His etenim sive externa, sive interna applicantur remedia, perfecta humorum depuratio quandoque non obinetur; quinimò à prioribus sunt in viscera reffluxus noxii; posteriora ægrotum frustra sitigant. Non raro occurrunt internæ inflammationes, febres putridæ mali moris, abscessus insanabiles, cephalææ, hæmoptoæ, Dysentericæ &c., quæ dictis impuritatibus unguentorum potatorumve usu repercussis merito adscribuntur: adeò naturæ votum turbare nefas! Hæc frequens mortis causa tot juvenum Chirurgorum in Nosocomiis, ubi scabies epidemicè grassatur, tot imprudentium ubique hominum. eodem morbo aut analogâ labe affectorum, qui, si fonticulis repercussentium loco usi fuissent ad vitam & fanitatem potuissent revocari. Tale enim humoris genus, experientiâ teste, vel omnino per fonticulos secedit, vel imminutâ effluxus continuè ope ipsius quantitate, nulli parti internæ graviter incumbit. Non idem tamen ab ipsis mutantur auxilium arthritis ejusque congener (1) rheumatismus,

(1) Vide The-
sim amanuissi.

licet naturâ suâ valde mobiles, vel quia materies, utriusque causa, sufficienti non gaudet fluiditate, vel quia nunquam exterius sese manifestat, cum alter sapienti ab articulo in articulum, alter à musculo in musculum, quandoque in alias partes, nunquam autem ad corporis superficiem migret. Nonnullis, inter quos celeberrimus Tissot (2), promptiores visi sunt fonticuli ad minuendos Epilepsiae insultus. Quæ eâ de re tentata fuerint experimenta in ægrotantium utilitatem cesserunt. Ne mireris. Is enim morbus sæpe à scabiei aliorumque cutaneorum affectuum retrocessu, ab exhaustis vetustis ulceribus, aut à præpoterâ febrium intermittentium curatione ducit originem. Aliunde nullum ex fonticulis tunc commodum exurgit, nisi epilepsia adhucdum adolescat eâque laborantes ætate & viribus vigeant. Postremo conducunt præcipuè in ophti almiis infantium oriundis à succorum redundantia, ab his non absimilium, quibus priore vitæ tempore formantur pustulæ totum caput inscientes. Celebrandi sunt fonticuli non quovis morbi stadio, non quâvis adhibitâ victûs ratione. Si enim per longam moram invaluerit malum & à regimine dulci, blandè nutriende depurantique desectatur, nulla ab ipsi speranda erit utilitas. Magis autem medentis fallitur expectatio, cum fonticuli temerè & inconsultò contrâ morbos his cedere nescios insituentur.

I V.

QUIDAM fonticulos excitant in morbis à congestione lentâ, nimirum in viscerum abdominis infarctibus; quidam, cum, peractâ inflammatione, pus in pectore delitescit; quidam in phthisi confirmatâ, aut ubi tuberculis suppurantibus pulmones afficiuntur; plurimi nullam rationem habent morbi causarum & pertinaciæ. At triplici constat argumento quantum his in casibus ægrorum utilitati adverteatur ista methodus. Primò enim tenacior est materies viscera abdominis obstruens, ut possit extrâ corpus pelli per fonticulos immediatâ actione desitutos. Quid proderunt fonticuli puri intrâ pectus collecto, dum unica spes in exspitione aut in empiemate reponitur? Non magis inservient phthisi eradicandæ, licet in hac morbi specie frequentius insituantur. Nam ad phthisim prædisponunt pectus angustum, pulmones debiles, sanguis vitio parentum pravâ diathesi infectus. Morbum ipsum determinant inflammationes pectoris in suppurationem degeneratæ, lues venerea & scorbutica, scrophulæ aliæque impunitates. At hanc contra duplicem causam quàm imbelles fonticuli! Num naturalem immutare constitutionem humoremque pectori hærentem abigere valent? Insuper tunc, depravatis absolute fluidis, vires franguntur; inde remedium magis accomodatum foret illud, quod sanguini suam resisteret energiam inertesque fibras exfuscitaret. Jamverò talis non est in fonticulis virtus, qui mechanicè tantum vi partes quasdam debilitant, ut, imminutâ resistentiâ, ingens illic humorum affluxus advocetur. Deinde ratiocinio consonant experientia, quâ patet in distis morbis fonticulos non prosperè succedere. Plurimi enim homines inde magis emaciati citius perire, qui vitam, in inselificissimam quidem, at diuturniorem traxissent. Multos cernere est, quibus ipsa pars cauterio potentiali subiecta in ulcus mali moris & in gangrænâ vergit. Nonnullis in ambitum plagæ erumpunt pustulæ ichorosæ. Sæpe puris loco materies cruenta simul & saniosa per fonticulum diffuit. Sæpe etiam ad eum, non dimotis à suâ sede praviss humoribus, succus nutritius appellit. Præterea singulis diebus renovanda sunt splenia, renovandæ deligations; quod ægrotanti incommodo & defatigationi est. Tertio demum rem suâ opinione suâque agendi ratione confirmant complures melioris notæ Medici. Omisiss enim Hypocrate, Galeno ejusque asseclis, qui cauterii actualis virtutes, neglecto potentiali, laudibus extollunt, quid recentiores nonnulli circa postremum cogitaverint, paucis absolvendum. Severinus (1) diuturnum fonticulorum usum vituperat, quia membra, inquit, fonticulis excavata, succis expressis deficiantur & lapsu temporis consumuntur. Censet Lanfrancus (2) fonticulum non ultra duos aut tres menses esse conservandum, ne pars debilitetur, quia boni

Coll. Deodati
Jeanroy, propu-
gnatam 7 De-
cembri 1775,
cui titulus: *An
Aritbit dis &
rhumatisfmi
characteridem
eadem curatio?*
(2) Traité sur
l'Epilepsie, par
M. Tissot.

(1) Médecine
efficace, par
Marc-Aurele
Sèvein; Pyro-
technie Chirur.

gique 331.
 (2) Lanfranc. tr.
 3. Doct. 3. ch.
 28.
 (3) Livre 3 des
 maladies des
 Femmes, chap.
 5.

præviq̃ue humores unâ per eam viam abeunt. Mercatus (3) quarumdam mulierum sterilitatem in fonticulos diutius apertos refundit. Quid de Helmontio pluribus alius referam, qui, nimis quidem immoderate, ideò fonticulos excogitatos fuisse affirmant, ut miseros discruciant agrotantes? At optimi ætatis nostræ clinici, artis medendi prudentes, præjudiciis liberi, ritè perpenſis fonticulorum commodis & incommotis, ab his sese abſtinent, cùm tota humorum moles inquinatur, aut nociva materies ob peculiarem indolem artificiale emunctorium reſpuit, vel denique ubi agrotantes, morbo in diuturnum protracto tempus, macie & maraſmo conſiciuntur.

ITAQUE medicina, illa experientiæ filia, cujus ope lapſu temporis genuinæ remedium virtutes eorumque ad morbos relationes innotescunt; improbat frequentiore usum fonticulorum, qui casu detecti aut analogiæ excogitati, nonnullorum inſectiâ, fordida plerumque lucri cupidine multiplicati, ad quosdam tantummodò casus reservari debent. Ex dictis enim patet quo tempore utiles, quo pernicioſi, quibus congruant morbis. Adhibeantur dum mobilis humor expellendus est, non autem in maraſmo incipiente, in depravatis fucis & in morbis ab humore lentefcente. Verùm, inquit plurimi, ad fonticulos confugere licet ubi de cæteris desperatum est. Observatur in peste aliisque epidemiis eos à communi labe immunes esse, qui fonticulorum beneficio fruuntur; veficantia sæpè sæpius proſunt, quidni & fonticuli? Quibus singulis sua patet reſponſio. In desperatis quidem incerta quævis tentanda, sed nunquam illa remedia, à quibus certum imminet periculum. Satiùs quippe est ab omni medendi ratione sese abſtinere, quàm de vitâ hominis aliquid detrudere. In epidemiis multi suam salutem ideò fonticulis debuere; quia non tardius, viribus nempe exhaustis & peractâ humorum depravatione, aperti fuerant. Si veficantia sæpè conducunt in morbis, sæpè etiam nocent. Aliundè non idem est utriſque agendi modus. Illa enim celerius humorum effluxum determinant, hi verò lentius. Veficantium ſpicula in humores sese inſinuant & languentia vaſa ſuſcitant, fonticuli verò quafdam partes externas tantum debilitant univerſale deſtrunt æquilibrium. Hinc priora in acutis morbis, poſteriora in chronicis conveniunt. Tandem veficantia latiore cutis ſuperficiem excoriant, ut abundantior excitetur ſuppuratio; fonticuli autem altius penetrant & ulcus anguſtum efformant, quia diutius perducenda est ſuppuratio in morbis, qui œconomiam animaleſcentem lentè pervertunt; inde non compar utriuſque remedii actio, nec inde intringitur noſtra ſententia jam ratiocinio, experientiâ Medicorumque authoritate comprobata.

Ergò à frequentiori & inconfulto fonticulorum usu, malum.

DOMINI DOCTORES DISPUTATURI.

M. Henricus-RAIMOND. M. Paulus - Gabriel LE M. Petrus-Josephus MORISOT DESANDES.
 PREUX, Scholarum Proſeſſor.

M. Carolus-Nicolaus D'ESLON, Chirurgia Gallico idiomate Proſeſſor designatus, Serenissimi Comitiss Arcebatum Medicus ordinarius.

M. Ludovicus - Claudius GUILBERT, è Societate Medica Friburgensi, antiquus Regis Exercituum Medicus ordinarius.

M. Henricus - Michael MISSA, Regii Medicorum Collegii Nuncianorum Socius honorarius, antiquus Regis Exercituum in Germania Medicus ordinarius, Cenſor Regius, Academia Catalaunensis Socius.

M. Antonius-Joannes-Baptista-Maclovius GUENET, Chirurgia Gallico Idiomate Proſeſſor designatus.

M. Edmundus - Claudius FOURRU.

M. Joannes-Nicolaus MILLIN DE LA COUR, VEAULT.

Proponet Laſſus HENRICUS ALEXANDER TESSIER, Carnuſensis, Saluberrimæ Facultatis Medicinæ Pædagogus, Theſor. Auror. A. R. S. A. 1775, à ſexta ad merſidem.

Typis QUILLAU, Universitatis & Facultatis Medicinæ Typographi, 1776.